

# Sprichwörter

(ASP640— 22.10.2014)



Du nischt dä us dänn reocht schüo alt,  
wenn d' jung us-seocha wit mit Gwalt,

Wenn d' ehnder all pomali tuoscht,  
nid z'ruck allpot du ruodra muoscht.

Für d' Glatzo muß sä kuona schämme.  
as sei, ma sieht iohn gad bim Kämmo.

Versprioch nid meh as d' halto kascht  
am beschohto gär nünt, däs vermascht.

Arspärat würd dem Mensch 's schleocht Gwiosso,  
heat erscht amol i 's Gräs ar 'biosso.

Ob dänn ma-n-ou in Himmel wet,  
wenn döt as gad blös Pfärrar het?


Wenn dar Lahm an Bliondo treit,  
der Taubstumm „luog a Wunder“ seit.

Ächte Freundschaft kascht nid koufo.  
wenn d' nid siocher bioscht, lass loufo.

Gloub nid alls, scho gär nid dänn,

wenn uona tuot, ob er alls kenn.

D' Regierung heat no nünt verschänkt.  
a üsaruoñ sie gär nid dänkt.



# Fantasie

(ASP641— 04.11.2014)




Lass rücho d' Fantasie,  
ou mine ischt uf Weogo.  
Sie trioft ganz gwioß die di.  
Gwioß beida kut as gleogo.

Du kascht dä druf verlo,  
sie wöarond sä verstoh.  
Wenn mir ou nid ververstond,  
dass sie üs hänko lond.

---

(ASP641— 04.11.2014)



# Flott

(ASP642—17.12.2014)



---

Ma 's rüobig langsam zuogio sot,  
mir leoband ehrle uofach z' flott.

As wär vom Staat vor allem nät,  
güb er nid meh us, as ar hät.

Do Vaterstaat miolkt üsarun,  
sin langa-n-Arm verpassat kuon.

As langat lamsam niona hio;  
's letscht Hemp würd er bald jedem nio.

Die mehnro, wio die känno Kiond,  
nid z' liob dorfür no dankbar siond.

Ma leobat witer, wio gseit flott,  
warom ou seolb ma's nid tuo sot ?



Gedanko kommend und sie gond,  
dass sie heand 's Reocht dorzuo, mag si,  
blos, wenn sie dir kuo Rüobigs lond,  
tuoscht quot dra, wenn du seolb grifscht i.

Kascht ou an Fachmann konsultiero,  
für di Problem as Lösung 's git.  
As ka derbei dir zwor passioro,  
ar seit dir, dass bi dir as lit.

Ar lot di zur Behandlung ko,  
a halbs Jahr uf si Kanapee.  
Heat dir zwor nid d' Gedanko gno;  
däs koschtit nämlich scho no meh.

Vor d' nomol Hüfo Geold usgischt  
am beschto a quots Schlücklä nischt.  
Kascht luoga, wio d' 's Problem vergioscht;  
Kascht luoga, seolb eotz Fachma bioscht.




Dass 's Geold all mionder wert si töü,  
wenn ma 's am Schaffa hionder,  
ischt deom wo reochna ka nid nöü.  
Wer will scho hio all mionder.

Blös sötischt eobo seolb druf ko,  
wio 's seolber söttischt schaffa lo.  
Scho däs alluo ischt schwirig.  
und macht scho mängon gierig.

Wenn d' an Kredit , nid z' klänn, uf nischt,  
an Millionär fürs Erscht abgischt.  
Dänn stohscht, döt kascht druf goh,  
uf all Fäll optisch reocht guot do.

Wer omgoh ka mit Geold,  
heat Vörtel uf-or Weolt.  
Gohd uom das Gschpärat alls kaput,  
viel liechter ar in Himmel kut.



# Patent

(ASP645—14.03.2015)



Arfahrungsmaß ka ma sus nona  
ganz ohne Schaffa Geold verdient,  
wio wenn als unziga ma kennt  
a Sach - und druf ma a Patent  
heat im Register scho itreit.  
Do Rubel flüßt denn seolb, wio gseit.

Wil a Patent as no nid git  
uf was Alltäglichs, as wio d' Zit,  
bio uf d' Idee i letschthio ko,  
zum Zit mir patentiert lo.

Seit uona glatt, ar hei gnuo Zit,  
jag i deom Gaunar d' Klag uf 's Gnack,  
wil usser miro Zit as git  
kuo patentierte - Himmelsack.

Eotz hio-n-l 's - heurika - i hio 's,  
's Patent rentiert sä .... as treit Zios.

---

(ASP645—14.03.2015)



u-usspreochlä  
(ASP646—14.04.2015)



A u-usspreochläs Glück i hio,  
dass i däs bio, däs wo-n-ä bio.  
I tät mä u-usspreochlä schwär,  
wenn i, i dänk mor, i nid wäre.

Ma stell sä vor, i wär perfekt,  
dänn blüb min wohra Kern versteckt.

Ma stell sä vor, i wär sau gschied,  
dänn bloggitt siocher d' Weolt do Nid.

Ma dänk, mir tät min Stolz nid weh,  
dänn wär nid "i" "i" - jeminee !

Uon Yortel aber i scho hio,  
wil i nid so wio diosä bio !  
Güb 's no so uonon as wio mi,  
wär 's Unikum alluo nid i.





# Verstand

(ASP647—08.04.2015)



Trioft Herz sä mit Verstand,  
b'halt uos vo beida d' Oberhand.  
Das Guot a dero Sache ischt dra,  
dass 's uo 's nid ohne 's ander ka.

---

(ASP647—08.04.2015)



---

S

---

Wer stolz ischt, heat kaum derfür Grund .  
A-n-Oagolob gloubt uom kuon Hund.  
Wer ischt mit Reocht scho arrogant ?  
amol nid uona mit Verstand.  
Do Pris für z viel Stolz, gloub s, ischt gnau:  
...as ma uos ganz bestimmt kuo Sau !!!,



---

5

---

I gib 's jo ehrlä zuo,  
daß i Halbfürtig bio.  
Für mängon wär scho gnuo,  
zum blös an Bruchtoal hio.

Muont uona ar sei meh,  
söll ar sä secha lo;  
as würd bi iohm do Schnee  
vo gescht ou no vergoh.

I red iohm gwioß nid dri;  
vielleicht siocht seolb ar i  
daß iohm an Bruchtoal gnuo wär.  
und viel für ihn no z' tuo wär.